

广东近代史料
紅巾軍起義資料輯

羊城西關紀功录

广东省中山图书馆編印
1959年3月

广东近代史料

紅巾軍起義資料輯

三文学集



羊城西關紀功錄 順德梁廷枏等輯

咸丰四年甲寅刻本

功 得

勝

奇

宗弟梁廷枏題





威發間慎兵虜役制隅一爰之了紫常將不慎
 北通直之迎大勝也危時繪曰忘光名與朽之政
 甲鄉省群寅 擾黃敵捷以于而國得而行鑄此耳
 守西有 寧而寡倉獲奇紀勝見功鐘圖戎大
 垣 旖旌旋車卒安功事國勒並罄垂人
 乘窈六



— 4 —
得勝圖



序

余自辛亥分巡南贛粵匪由清英滋事逼近定南撫軍陳芸谷先生委余督兵到彼防禦爾時都團遮克敦布勇敢有為委在龍子嶺扎營扼其前路賊果卒至相持三日鎗炮齊施使匪不能越粵兵從後追蹙兩下夾攻匪徒大敗斬獲幾半餘匪盡潰迨癸丑甲寅余陳臬之江先後在嘉湖防剿立營平望甯國均逾省握險賊雖未至而練勇操兵无日不勵戈整衆以待其來凡所以統兵馭士無論家寡險易皆當奮勇運謀慮力以赴乃能致人而不致于人也今觀

慎之守戎而橋之捷乃轉弱為強以少勝多謀勇兼施卒能殲厥渠魁安定閭里保護省垣于危險之中力之古來名將何以加焉宜乎大憲之懸賞超遷紳民之歌功頌德亟繪圖繫詞以彰其美也然此犹其少焉者耳使

守戎從此邀

特達之知荷元戎之寄奮臂中原移師邊嶠溯其英姿特以鎮靜必能蕩絕妖氛廓清華宇余也拭目而俟太平之有日矣万里侯封舍君誰屬吾于

守戎有厚望焉是為序

咸丰五年十二月二十四日黃樂之書

序

穗垣滙通百夷泉甘土沃其民机巧善權奇財富甲諸東南新舊城聚居幾无隙地細載居積者咸聚粹于西關廂珍奇瑰宝駢闐衢市公私倚為泉貨淵藪不逞者恆垂涎之咸丰甲寅紅巾犯我北鄙逆賊甘先糾合万众與佛山新造兩股遙為響應共窺同省垣六月既望巢于佛嶺市卓帳盈野烽燧接天時官軍收討東莞未歸而各路援兵未能遽集大城戒嚴騎紂慎之黃君奉檄營于草場汎汎扼西北垆為戰攻必爭之區戍卒寡而羈不足恃也君乃自募精銳三百人教以進止剽部勒以俟廿四日副將崔公大同率師往討賊以少當我南戰即曳戈遁我兵疾追方逾石榴橋賊伏四發前隊回軍官軍潰崔與游惠洪公大順咸歿于陣君在汎聞警急分兵列七星岡下作魚麗之勢令卒周麾鳴螺于岡巔作催援狀賊疑懼不敢追我之後軍賴以不敗然交綏伊始兩將不歸兵氣稍挫而賊志益驕視省垣如囊中物因并銳以圖西關馬越翼日癸巳天前明賊傾巢而出百道分突以牽掣我師諸將分頭迎惠鎗炮競舉攪殺方酣賊施忽邪趣瑶台竟奔青龍橋君方立戍樓以遠鏡覘賊遽呼曰賊

犯西橋矣急命居民開柵升屋集瓦石為巷戰計呼孺婦備提汲為救焚計乃帕首縛袴拔戟疾迎甫跨市門賊隊已登橋矣君虎吼而奔勇士百人奮所翼進无不一以當十攢刺裹毒疾如風雨賊殊死鬥不少却其後應亦大至縱燔村寨以助威勢君急調鎗隊聯環四蹴之屋上萬眾齊噪呼婦女撻金鉦以佐戰聲撼天地樹木禽虫皆嘯震鎗烟如毒霧咫尺莫辨人畜賊大駭狂奔爭相踐踏死者滿田塍旗潮東湧從旁夾擊城頭大砲疊疊轟其後勁官軍遂大破賊斬馘无算虜獲山積是役也君爛机于倉卒提數百新募之兵戰十万方張之寇一鼓而斬其凶渠殲厥全隊西關萬灶得以无虞其誰之功哉夫西關為四達之區伏莽伺衅者實繁有徒使西橋失守賊敕臂而南內寇蜂應不徒五市飛灰千門喋血已也即沿江之炮台各隘口之戰艦將不能以固守而佛山新造首尾響應則搯吭擣背之勢成大城非復我有矣嗚呼大城危百粵事尚堪問哉方賊之破花山鼓行而南也所過堅城峻堡兵厚糧集然虛聲所脅軍民輒空壁以走曾未敢加以一矢也矧茲孤汎兵不滿百賊党方以土芥視之謂沸睡可以淹沒者詎知彼蒼默相此邦即假手于荒戍羸卒一戰而大挫其凶鋒俾民之怀疑者益知

天王至瓠壘土不可以勢取智劫若齊敢肆憑凌必誅殲无赦彼應劫游魂滅在旦夕无可畏慮者故西橋既捷民心於是乎堅定而天機順應南壘二百載之殺運夫然後次第可平是圖祖繪其梗槩然是日也予躬督八旗團練往來轉戰于西原親見君于槍雷雨血中馳逐若飛幕府在鎮海樓督戰觀之連稱虎將搞以牛酒勇名遂冠一時未幾擢守總汎紳民感其捍衛之德貽以萬章都為一集壽諸梨棗俾後之禦侮者得所圭臬

咸丰甲寅冬瀋陽樊封序

序

行軍之道有三曰勇曰謀曰信義勇謀見于臨時信義在乎平日去秋西關一慎之守戎以三百人扞數万賊固由有勇與謀亦由信義協乎人心故能用命立功以寡勝眾而其實則由大吏知人善任調度得宜乃能保障一方万室安堵也慎之勉乎哉進而愈上為良將為名將為福將于此一提始基之

咸丰乙卯孟秋之月

老漁張維屏

序

吾粵自甲寅六月賊氛騷擾忽而各鄉各縣絡驛報聞而省垣佛山其禍更烈繼而城北以外烏言尤多
大吏守禦嚴密晝夜防虞群兇不能蠢動倏又聞賊以而關為膏腴之地旋生覬覦遂于六月廿六日群賊由西村直撲青龍橋用火焚燬汎卡斯時正

慎之守戎在草場汎鎮撫之候也奮不顧身親冒矢石所帶兵勇不過百五十人殺賊元算奪其器械多件眾賊寒心莫不披靡良以師克在和不在眾 守戎生平以信服人故兵勇无不用命叱咤指揮賊胆已破威風赫濯賊勢已孤故西關一帶地方悉資保障固為

大吏賀得人之慶亦皆 守戎視國如家視人猶己其待兵勇披肝胆同甘苦之所致也昔聞蓋嘉運為右威將軍人稱其忠而能毅智則有謀擬之 守戎有過之无不及其榮秩屢遷宜也非倖也耳聞其名心為佩服及得親炙言皆真摯品極和平不敢以功自居躬上然有儒者氣象人惟有此根器建之功業所以大過乎人也誠為鄉城內外之大有倚賴者縉紳父老繪圖製詩以紀功績真足為從戎者勸

咸丰甲寅冬月愚弟陳廷輔謹誌

楚南張經贊書

序

余嘗讀漢唐諸史輒以雲臺二十八將不得親見其圖畫為恨及讀杜少陵丹青引至英姿颯爽之句恍如目覩諸名將于千載下乃知忠義之感人最深而圖詠之流傳决不可少也 慎之黃君當逆匪發輒嘗以親兵禦賊于青龍橋外於時賊眾且銳君身冒矢石所向披靡斬馘百餘生擒八名餘匪逃竄而關一帶賴安紳民感其忠勇用是繪諸圖畫播諸詩歌以紀其功焉余思古來名將類能審敵情而兵之多寡可勿論王霸之伐楚也引兵六十萬昔武穆之敗金人也以背嵬軍五百寡不同成功則一君今以寡敵眾竟能奪旂斬將使城西數万户危而獲安方之古人未肯多讓然余於君更有厚望焉方今寇盜充斥五嶺之外所在蹂躪君具雄武之姿鷹爪牙之寄從此戮力疆場翦除大憝一鼓而廓清嶺表再駕而恢復江南

聖天子飲至策勲必將賸之紫光閣上為國元勳與雲臺凌煙諸名卿相頡頏然則此圖之作其隄始耳君其勉乎哉

咸丰甲寅冬日孟蒲何如鏡琴撰

序

慎之戎伯之鎮草場汎也自募丁壯僅百餘名當逆氛煽動之時賊
攻犯北郭不克旋欲潛撲西村以窺伺西城已軍至青龍橋慎翁親督
丁壯力為拒禦先斃賊首乘勢叱咤餘賊遂望風披靡境內卒賴安全士
庶德之各贈詩歌然恐畧而不詳非所以導揚休美也知余與慎翁為
宗盟咸來詢其梗概余思君子樂與人為善知而不言固失于隱言之過
當亦隣於私隱不可也私則更不可爰將其顛末据事直書不加藻飾以
供採選明知言之无文行之不遠然與其泛而失實孰若切而足徵也遂
不辭固陋為序原委云爾慎翁之困練始草場繼西營以余所聞約有
五善試為揚擢陳之初甲寅六月禪山逆匪糾眾滋事翼日十三早即拿
獲自禪山到省糾夥約為內應逆目解局審辦荷蒙
爵督憲賞花紅銀一百元以後所獲逆匪不可悉數此則緝捕勤能之善
一也聞該犯供稱官窩江村蕭岡三家店瑤臺西村黃沙新填地牛皮寮
金沙灘司馬廟等處均有內應即添募壯勇防守高岡象岡西山廟後岡
各要隘并設望樓五座高至數丈以便晝夜瞭望又各處街道新建柵門
以禦出入所有丁壯各廠親相度地方形勢搭蓋以防宵小侵扰皆自行
捐貲无稍吝惜此則布置嚴密之善二也時逆匪四散流言兵勇內頗有
心怀畏懼者乃召各兵勇剴切申諭利害謂賊黨雖多不過烏合倘遇賊
至務整齊隊伍協力同心殲厥渠魁小醜自然氣懾一見賊退後即高聲
口號云賊已退走以怯其方寸使之前隊賊疑後隊走後隊賊疑前隊走
俟賊人自相踐踏我等奮勇進前追殺必獲大勝此諭甫聞立振柔靡更
相告語眾志益堅後令丁壯晝夜皆身披狍褂首戴竹盃手持長矛常防
賊之攻其不備故麾下兵勇无不以一作十驍勇可嘉此則訓練周詳之
善三也及六月二十六早据青龍汎謀報賊由西村直撲青龍橋用火焚
燬青龍汎卡等語即親率兵壯由第二甫入宜民市出司馬廟遇逆匪蜂
擁而來叱令兵勇向前先將逆賊頭目殺斃割取首級眾口同声揚言賊
走賊果惊遁前後隊不能兼顧自相踐踏不計其數後率兵壯上前立斃
賊匪百餘名生擒八名餘匪逃竄四散即飭記委兵丁數名先將首級帶
入司馬廟由第二甫回草場汎後入西山廟迴青龍汎各街道巡視以防
內匪乘机竊發并使各舖民咸知己獲勝仗以安眾心賊人遠遁然後收
兵回營帶首級及生擒逆匪前赴
爵督憲報功蒙
督撫憲賞勝仗銀一百元廣州協憲賞勝仗銀一百元照給兵壯即于
是日未刻飭令記委兵壯分隊從黃沙新填地牛皮寮至沙灘司馬廟各

處地方嚴密搜捕內匪聞風遠竄西關一帶地方賴以安輯此則身先士卒殺賊衛城之善四也他如糧陞西營則購線不惜貲財无好不獲訪輯不辭勞瘁有匪皆除虛心諮訪善体輿情切齒誅鋤不遺餘孽此尤善後之有方而防微之必力者也具此五善宜有公評綴以徵青悉皆寒事鉅公名流尚祈加以潤色匡其不逮是誠厚幸耳

咸丰乙卯仲夏宗愚弟銘石德華拜識于粵陽山館之小琅玕軒

記

今上御極整飭戎行兩粵云匪結党煽亂邊隅天威震怒命將出師餘孽被驅旋自楚竄伏至陵為巢穴碼頭張鳥合屢撲未絕根株釜底游魂竟敢偷渡河朔於時厚集滿漢勁旅咸孤所指到處廓清三載以來東粵西北郡縣雖偶有聞聲竊發大吏躬仗斧鉞禦寇以次授首閭閻安堵不聞金鼓聲之聲方且飲衽席豆觴萬戶咸歌樂土絕不料藐茲小覷包藏禍心乘太平日久驟赴四郊之壘甚速且眾也先是道光壬寅海夷內河就款當事慮其復來輒募勇至數萬布于口岸要津所招幸廣州近縣无賴子弟丰以廩食教以操演械砲之法一旦遣而還諸其鄉失食愚民群居里党及嶺外盜起商旅阻滯川途粵市懋遷失利工藝緣以歇業游手既眾嗷嗷无所得衣食始相約為盜以云教轉相煽誘各惟渠目剽掠不已繼而擄贖擄贖不已繼而焚殺今歲甲寅之夏探悉庫貯源源撥解近省諸營兵力以調而卑也適有五月由石龍入東莞之率云江南軍書來募拖船水勇方泊省河未發亟令駛帆東下旬日賊党解散而花縣順德旋以警告佛山亦為賊據陳村窩村新造各賊目並監偽帑若林皆去省門教十里而近云坦東北沿路村落復同時驟發花縣迤西而江村而佛嶺市以達官窰所在皆與佛山為援應故省城一時戒嚴西關故萬貨輻輳地素號殷饒賊垂涎已久水陸兵勇既日集選將督弁各尽其力守其地信賞必罰无不各奏乃功番禺黃慎之守戎起家百總營草場汎先以今春獲花縣逆裔于官窰上游已重之六月廿六日西村賊數千突自西北至將犯西關守戎倉猝聞報帶兵百五十人拒于青龍橋奮勇而前賊眾披靡而遁生擒斬馘斃鎗砲下者无算越數日賊補生力聚眾如前急圖報復守戎仍督前勝兵直迎至西村瑤臺斃賊亦无算繫八人正法每戰所得賊旗槍器械不可勝計署西關于總以功奏迂守脩守戎自顧受大吏持達之知愈加奮勉自是凡督蒞戎行必有俘獲迭擒偽官偽帥羅名及游賊之自佛來省糾党窺城者賊遂不敢正視汎界西關民戶恃以无恐安居貿易如平時寔乃守戎之力也聞守戎少遇善

風鑒士謂有責徵許以顯職自是留心武藝入伍曾不轉瞬迄今職賊
尚狼奔豕突水湧波翻幸大吏預燭机先年來厚蓄火藥繩彈廣召城
鄉急公之士踴躍捐輸不匱不竭之源為地方去腥穢為百姓衛身家所
謂有備無患然而指臂之需于城之選於是亦孔亟矣設使疆場力者
人人盡如守戎之能有進无退能以少勝多如是豈惟賊不足平哉即令
死灰永熄芽孽不滋蕩染維新正諸醇樸直指顧問耳余從事省次或出
守戎殺賊率略相示且述其鎮下縉紳父老感其保衛之意相約製詩歌
繪圖昼拜手以遺之予於守戎未及識荆但景茲英略儀心已成之績引
領未來之勲用援筆為次得功時日如左所望從戎諸君子覽此而益勵
忠誠相與戮力同心以還吾粵太平之盛斯不獨一人之幸而此記之作
非專為守戎頌也是為記

咸丰甲寅冬至日順德梁廷枏謹撰

詩

黃慎之守戎西關大捷圖

長白阿南薩蘭子并

卧路有黃羅威聲震北隅踞橋爭地網拔戟捍藩籬草際飛狂弩湟中捷
怒聲從來成大捷規畫在先時

紅巾事起家大父即堅壁厲兵以待四月賊掠東莞乃藺旗銳營于東
關北校場及王聖堂三要隘甲士悉登城固守時援軍未至旗紳樊君
等攢助軍將別選八旗之壯丁千五百人自為一隊以脩雕剿予侍家
大父晝夜臨陣恆以西關單弱為虞

鼠雀矜牙距憑凌爭野攻萬夫方自北一騎扼投東陘巷刀光白睛原戰
血紅累他千萬戶賈線繡英雄

廿四日副將崔君大同戰歿賊勢益狂家大父調旗兵千五百人屯於
永康大砲台以壓賊衝廿六日賊犯西關旗勇分隊迎惠與君首尾截
殺而賊援大至予急令城兵疊施大砲震斷其後隊君得肆力搜剿所
向无前

勝算饒先著師貞總責和不禽擒一兇方克繫群羣破虜功推首燐燐續
尚多將才難再得威望重關河

是日君之斬獲至多旗勇亦生擒次目王阿四剗心以祭崔副將諸卒
爭告功家大父戒之曰八旗城主也各路援軍猶實也殺賊而主客爭
級攘功礼乎嗣後旗兵戰勝有以級獻者責无貸敢擄民財者誅无赦
紀律既嚴軍勇和睦相衛如手足以故焚蕭岡破日井大小六十餘戰
皆八旗鎗砲列前營勇刀矛翼護故戰无不克蕭岡之戰君功最鉅

黃慎之守戎紀功詩

香山黃培芳 香石

蕃富爭規伺還兼四達連西城倡健勇南服靖烽烟重扼孤軍地能撐半
壁天吾宗江夏傑廣頌有群賢

南海何文綺 樸園

儒雅風流自將才佳符搜剔獲渠魁（公壘獲巨盜）西邨早息烽煙警
（賊窺西邨公為撲滅）北郭曾經壁壘摧汗馬有功應懋賞從禽无策
不親裁羨君驄馬年方盛麟閣銘勲亦快哉

旌旗耀日布西營逃聽謳歌愜眾情力護一方開保障威揚百里北干城
秋深幕府新遷秩宵肅橫江舊著名從此妖氛欣掃盡掃投壺樂慶昇平

南海潘斯濂 蓮舫

物蕃地大韓芽開見說氛埃蓋嶺來戰鬥自標无敌慨安危須仗出群才
加恩前後三遷秩行令嚴明一舉平粵土奠安由此致更期新績炳雲臺

信直梁 巍 蜀山

守戎飛鳴挾金錢神聲氣雄心事熟荏苒初起折其鋒盡掃櫓槍絕憤泄
甫擒逆裔鮮防微再戰青龍發皂旗村西斬刈無遺孽城北芟除少蔓支
初看賊聚如螻蛄前疾立當公最勇鉛子紛來羽扇麾牙旗高建銀屠擁
更看逐北向郊垌馬足蹀躞無留停千人氣鼓熊羆銳一路風塵草木腥
比歲三迂階最速凌煙待昼鬚眉肅就此丹青小屋開已看神采毫端發
瞻公之像度珊珊殺賊威靈露此間緩帶不矜羊叔子急裝如繪李光顏
腹裏甲兵藏隱約定遠虎頭神露躍骨相封侯信不凡先鞭誰與君同著
但願人人得似君丹青竹素藉傳聞何愁蟻賊不破滅日災輕霜風盪雲

南海葉炳華 離臣

眈眈虎視向城池藐我官軍力不支佛嶺市中藏狗兔草場汛內伏熊羆
雷霆奮怒擒青犢日月騰光射赤眉殺敵虜功犹未艾盛圖光已綏英姿

順德陳元楷 玉珊

青龍一戰敵難支逆裔兜擒績更奇百五十人聽號令擒頭奮臂是男兒

南海游顯廷 卷裏

蠢動噬群醜偏師禦草場（地名）身都先勁卒胆尽落披猖冒險平烽火
（賊焚青龍卡公為撲滅）扶危獻酒漿（西城士庶具壺漿迎者甚眾）
何人操勝算勇略競談黃

西邨消虎視猷猷奏膚功（公殺賊首餘俱披靡）蟻隊圍全潰鴟軍銳
直攻銜枚容整肅破竹勢豪雄落落惟儒將今當屬乃公

不愧干城寄西營倚畀深兜鑿威遠播刁斗响長吟狡兔難藏窟飛鴟亦
集林荏苒今已靖屢費剔蝨心（公捕獲敝社學境內逆匪不少）

丹青一點狀靈臺爽颯鬚眉笑眼開他日凌煙居第幾如公纔是鄂襄才
荏苒平地起風波守府威靈震若何自扼西村奸賊銳省垣先事奠安妥

南海伍崇曜 紫垣

山氛煽醜猷騰空殺賊男兒氣似虹如此威名先險隘憑君保護半英雄
西園雅集衣冠賦北鄙潛師鎖鑰通淡歲青龍橋畔過行人犹自說奇功
漁樵閑語水西營草木驚聞万福名當日英風張益德他年茂績李西平
朝廷宵旰思良將嶺海安危仗衛兵聞望如君迂擢易永期屏捍尉佗城

鶴山胡奇勳 麟閣

剪除醜類豈無因全仗丹心一个臣妖靖羊城咸雨績像懸麟閣認君身
傳神阿堵欽奇相比美曹彬許絕倫從此休聲播遠近願圖夙望保天真

順德黎兆棠

英姿颯爽戰何酣當道豺狼手自戕可惜朝廷思李牧不曾推轂到江南

南海容文明 奇園

妖氛如火蔽空來閩內誰称敌愾才群醜陰謀經歲月將軍威令奮風雷
薦賢自昔殊功狗殺賊從茲化劫灰嶺海邊平紓廟略丰功端合紀雲臺

新会陳焯之 伟南

英雄誰信出偏裨大厦真憑一木支將種不慙推蜀虎當途那敢借王龍
功齊銅柱三城壯霧掃孫恩万灶靡溫室乞年恩頗牧武襄圖更上天梯

順德盧福普 東侯

保障西園果仗君桓桓如虎退妖氛青龍橋外俘逆碧草場中樹一軍
奮不顧身來嚼鐵攻而能守李摩雲總戎駿績今圖繪（公以把總殺賊
立功即陞千總）士論齊声合紀勲

群盜如毛扰粵東干城捍衛表精忠（公堵禦北門屢獲勝仗）九天善
勳符孫路八戰能擒立漢功此日鴻猷恩疊錫他年麟閣昼逾工也知甲
冑傳公覆赤燕威名四海同

開平司徒驥 良卿

百五兵微敌数千青龍橋畔獲功先誓除妖孽群魔退力保金湯衆命懸
三度隆恩承北闕一枝昼戟耀南天奇勲應與凌煙並始信英名萬古傳
大將威名遠近揚王師踴躍正堂堂曾擒逆裔來花縣復振天兵出草場
一望海山原最盛藐茲群醜敢相當他年偉績追褒鄂紫閣銘勲姓字香

南海潘士瑛 渭陽

森嚴祭戟鎮西城多少文人羨寵榮愧我年華同尚父不能相附請長纓
曾瞻旂旄到寒鄉摧折孫恩百尺檣今日雲霓尤切望紅巾十万正猖狂

南海熊景星 遂江

賊之急如風賊之衆如蜂守戎殺之挫其鋒賊謀不得施賊勢不得作禽
渠斬魁若掃箠西園安堵民氣樂

順德張應秋 清湖

北郭妖氛扰西園壁壘開軍威惊震電砲响忽聞雷村口紅巾伏橋頭白
馬來當關名將在智勇出群才
昔歷兵戈劫難忘扞衛功閭閻資保障婦孺識英雄推轂深情愜披圖敌
愾同營門瞻肅穆虎將溯家風

清遠郭鍾熙 鼎石

炎天妖霧紛紛起頭裹紅巾聚如蟻佛山佛嶺通称洪官窰以外數莫紀
元帥將軍名目多梨園服色逞干戈万衆齊鳴鳥合隊省垣直撲蜂離窠
變起倉卒兵未集比戶憂虞相抱泣賊來鼙鼓動地惊環向西關擁盾入
奮臂忽傳黃總司酣戰颯爽欽英姿大呼群賊皆辟易壁上觀者神為移
大府行賞昇千戎西營半壁屹屹崇鵠張未敢輒窺伺以次翦滅成屬功

維時小邑賊響應破隔城池賊作令威脅腐儒苦相攻親率子弟戰屢勝
狼貪不己虎視眈眈豕突无能蝸居定志切同仇相約來義旗一舉淨氛埃
我不畏賊胆似鉄君能殺賊声如雷手提子章血灑體宜窮狡兔歼渠魁
掃清餘孽收殺運始知天為顯奇才

南海梁謙光地山

劉秩堪當曳落河間精銳绘如何風雲自攝銀刀靜鎖鑰終操鉄壯烈
漲海雁看飛箭取燕山石待祀功磨將軍曹霸非凡筆生面開時試撫摩

南海姚芳香邨

狼烽象燧北郊攻幸得當關一將雄依市人家遭毒霧草場驃騎振威風
紅頭俘獻為鵝隊黃口孺歌汗馬功更喜捻持西汛節丹青難尽绘元戎

高要孫兆蘭蘭隣

將軍磊落人中雄氣懾虎豹噬霓虹生平曾學万人敵丹忱耿耿銘精忠
韜戈釋甲承平久寇警俄聞生腋肘帷幄方資禦侮才一麾俾作城西守
城西北正防姦五層樓下問重閤寇如蠶擁不知數旌旂徧野声漫山
都督前軍戰失利（謂協鎮崔都督）損將折兵賊益熾相持漸久勢蔓
延羊城三面皆烽煙城北重兵當其隘東城保障雄師賴獨恐城西兵力
微一軍勢潰全軍敗偉哉將軍謀勇兼倉卒戒備何森嚴緣知訓練精平
素虎帳懸金添召募枕戈將士志成城那許陳倉兵暗度何期醜類竟尋
讐憑陵惡獸稱戈矛猛獸出林方走險長鯨跋浪思吞舟將軍身先冒矢
石壯士激昂一當百指揮叱咤氣猶龍千夫万夫齐辟易於時殺氣滿郊
垌陰霾迅掃如風霆威名直駕林仁肇（借喻林司馬）偉績齐驅漢衛
青（借喻衛參戎）西山山下惊風鶴寇至倉皇心胆落須臾万户慶生
全如仗長城臨北郭我家阻却在城東遥聞鼙鼓憂心忡良由勝負繫全
局况復眾寡難爭雄庸知神勇具奇策立殄兇鋒視賊魄祇今刁斗夜无
惊婦孺无知皆感澤君不見无謀无勇畏葸夫養寇殃民万骨枯又不見
冒功誣過奸譏輩糜餉喪師難追罪為問胆略誰如君獨當大敌宣勞勤
更能寡弱勝强眾偏師如摧岳家軍拭目干城膺闔寄凌煙绘像旌殊勲
登工小試添毫技丹青尺幅生風雲

順德黎兆桂小珊

飛揚賊馘駭方張勢壓西營獨出場百五虎貌昭武略十千狼豕走狔
塵氛捲地旗翻日煞氣漫天劒拂霜汗馬功成經血戰妖星從此掃檣槍
雄關西峙鎮城隅挺走紅巾奮一呼敵賊偏能誅首逆擒才何止長十夫
詩成競病吟笳鼓策紀功勲绘屋圖太息中原烽未靖窮清猶望效長驅

新会黎其康椒卿

百五貌貅意氣揚青龍桥上掃欃槍逆苗害已除花縣（客春正花縣官
密捕獲逆裔）大樹名簡出草場困我重圍勞虎旅（甲寅秋敝邑被匪
困城兩月蒙大憲發兵始獲解圍）義君一戰息鴟張由來江夏多奇傑
指日行看繪紫光

順德陳勤勝拙圖

邊畔阿誰啟天驕肆毒村莊制挺捷或殪或縛束大吏善怀柔彼遂永
率服夫何无賴徒禍心早藏伏謂師旅可輕嘯聚徯徯川陸面粵遯吳楚近
更抗廣屬義眾亦從逆貽患在心腹列憲運神机摧枯如破竹能以少勝
多百萬就歼戮聞有黃守戎忠義填心曲賊犯西關時六月二十六拒之
青龍桥挫斬下勝錄百五勝數千再來復挫衄大有造于西瞬息叠晉祿
此後每督征渠首多俘獲班超燕頤姿高爵可預卜鎮下諸紳耆歌詩繪
圖軸感戴思有報覽之起敬肅因念吾鄉邑秋初城陷覆邨忽翻狂瀾鄉
族害鄉族偽託外寇名万千悉索足應之或少緩攘奪復擄贖更誣以風
憾均足慘心目咸切雲霓望燎原何日撲願得如守戎時雨降來速今歲
暮春中竊幸慰所欲樓船破浪來追奔燬賊舫不日已奏捷不戰已城復
威代恩德厚累治宏覆育固宜多良將鯨鯢尽剷劇群醜識軍威料應知
畏縮何敢復鴟張黎元安比屋從此永昇平並藉聖主福

順德高永恩九峯

甲寅六月二十六紅頭賊擁蚩尤蠡蜂屯蟻聚北砲台一枝分襲西郊連
嘯風驟雨爭波猖搖旗裏炮最握強青龍汎毀遭兇火司馬桥荒作戰場
草場黃君最勇敢怒奮忠肝與義胆身先士卒攔橋頭一百人將千賊欲
賊魁恃眾誇梟雄守戎眼快如疾風大刀揮虜人頭落鬪體提出血光紅
賊旗倒折橫教丈一雄立誅群雄喪砲台賊眾亦土崩四野歡呼歌勝仗
吁嗟乎君不見陰風慘淡三日前崔將戰死蕭岡边苟无此捷軍氣餒三
城保障公功先（崔副將大同戰歿後得公此捷軍威大振）吾家住在
西園麓從爭捐練愁蒿目（余屬同事城西公勸捐團練最先）君忠
勇叨莫安尽日詠歌謠不足幸有昼手圖翼姿英風四起生魂奇傳之子
孫千百載犹見赫赫凛々真鬚眉

增城劉允宗仁卿

卓卓黃守戎公忠肯報國三路與六韜良由早識得一聞匪跳梁義憤
顏色恨不崇朝間賊氛使殄息未幾奮螳螂城垣尽荆棘漸次及西關幾
乎被蠶食公時膺守禦深恐辱厥職振臂一高呼士皆百倍力少許勝多
許寇盜奸頑刻勁氣挫鯨鯢英風懾鬼蜮真乃万人敵豈止百夫特從此
么麼輩不敢肆反側首公賴以安閭閻載厥德傳烈奏丹墀褒崇邀帝初